


A primeira noticia que tiven do libro foi a través de Emereci, moi boa conselleira, que recollía no seu blog a cita de Fran Alonso "Porque unha vida en Occidente non ten prezo, pero a vida en África non ten valor", a partir de aí xa todo foron boas palabras para *Nixer*.

O libro é unha iniciativa de Acción Contra a Fome (ACF), unha ONG humanitaria internacional que combate a desnutrición infantil, e Cultura Solidaria Galega (CSG), un colectivo de persoas da cultura galega que apoian voluntaria e desinteresadamente á delegación en Galicia da ACF. Da colaboración entre estas dúas organizacións xorde a viaxe que Francisco X. Fernández Naval (escritor), Camilo Franco (escritor e xornalista), Alfonso Costa (pintor) e Moustapha Bello Marka (escritor nixerino residente en Zinder) realizaron ao país africano e que daría como froito *Nixer*.

Neste volume de viaxes e aventura humanitaria cada un dos autores recolle de xeito diferente e complementario as súas visións e vivencias dese estado africano, ata hai ben pouco o máis pobre do mundo, para que nós non miremos para ou-

tro lado e sigamos mantendo a ollada cara a ese *Nixer* de es-ta-tí-cas inhumana-



A parte de Fernández Naval é a que más se achieve ao libro de viaxes literario nun interesante e ameno relato desde a partida ata o regreso. A parte realizada por C a m i l o Franco é unha compilación de breves textos que se configuran como unha galería de instantáneas dese paíz fugaces e potentes. Trípla é a contribución de Alfonso Costa, con creacións plásticas nas que adivinámos expresións nas faces insinuadas, e con creacións textuais, primeiro en prosa, e logo en verso. Unhas composicións poéticas nas que fai prota-

gonista a muller africana tanto na súa beleza como na súa traxedia. E remata a obra cun conto infantil de Moustapha Bello Marka traducido do francés por Carlos Arias.

Unha chamada de atención ás nosas bibliotecas escolares, non deberían deixar de adquirir esta obra porque ofrece en galego dous dos elementos imprescindibles para a consecución dun "habito lector sólido", a diversidade de enfoques e tamén de contido. *Nixer* convértese tamén dese xeito nun bo recurso educativo interdisciplinar onde atopar historia, antropoxía, arte, economía, literatura, educación en valores... desde a lectura amena e amable sen deixar de ser fiel á dura realidade que nos transmite.

Nixer non é bo pola humanitaria orixe da iniciativa, ni polos fondos que se recaden, é bo en si mesmo como produto cultural, ameno e interesante. Lean este libro, non se han sentir defraudados, e logo, merquen outros exemplares para agasallar, sexan esa man que lle dá á estrelamar unha segunda oportunidade devolvéndoao ao mar que a deixou esquecida na area porque "non nacen flores na primavera de África".

FERNÁNDEZ Naval,
Francisco X. et al. *Nixer*, Ed.
Xerais, Vigo, 2010, PVP 17 €

Mantendo a ollada

Viaxes e aventura humanitaria

PILAR PONTE